

Dialog 1

<i>camarier:</i>	Ha El amo ün giavüsch?
<i>giast:</i>	Na, tuot in uorden. La tschaina es statta eccellente. Das-chessan nus pajar, per plaschair?
<i>camarier:</i>	S'inclegia. Eu Tils main subit il quint.
<i>camarier:</i>	Quia es il quint. Quai fa tuot insembel 86 francs e settanta. Paja El contant o culla carta?
<i>giast:</i>	Jent culla carta. Ch'El fetscha 90.
<i>camarier:</i>	Grazcha fich! Vess El jent üna quittance?
<i>giast:</i>	Schi, jent.
<i>camarier:</i>	Quia es Sia quittance. Grazcha fich per Lur visita. I'ns fess plaschair, scha Tils pudessan bivgnantar darcheu üna jada pro nus.
<i>giast:</i>	Grazcha fich, nus vain giodü la saira e tuornain jent ün'otra jada.
<i>camarier:</i>	Adieu! Üna bella saira ed ün bun retuorn a chasa.
<i>giast:</i>	A revair.

Dialog 2

<i>giast:</i>	Camarier, das-chessan nus avair ün oter magöl, quist quia es suos-ch? E la schoppa es massa insalada.
<i>camarier:</i>	Oh, quai am displascha. Ch'El am detta la schoppa, eu guard güsta cul cuschinunz. Ed eu Til main natüralmaing ün oter magöl.
<i>camarier:</i>	Ch'El s-chüsa, El survain güsta ün'otra schoppa.
<i>giast:</i>	Na na, quai nu fa dabsögn.
<i>camarier:</i>	Til das-ch eu però offrir ün cafè?
<i>giast:</i>	Na grazcha, id es tuot in uorden. Nus pajessan però jent.
<i>camarier:</i>	S'inclegia. Quia es Lur quint. Nus nu vain quintà la schoppa e Tils dumandain s-chüsa per quist intop. Jent Tils bivgnantessan nus ün'otra jada in nos restaurant.
<i>giast:</i>	Eu pajess jent contant.
<i>camarier:</i>	In uorden, quai fa tuot insembel 35 francs e novanta.
<i>giast:</i>	Ch'El fetscha 38.
<i>camarier:</i>	Grazcha fich, ed eu sper ch'Els hajan malgrà tuot pudü giodair la saira. Nus faran tuot il pussibel per evitar tals intops ün'otra jada.
<i>giast:</i>	A bun ans verer.
<i>camarier:</i>	Adieu ed a revair.

Dialog 3

<i>camarier</i>	Eu sper chi saja tuot in uorden. Han Els amo ün oter giavüsch?
<i>giast</i>	Na grazcha, id es tuot in uorden. Il vin es stat squisit. Ed eir il tatsch es stat excellent!
<i>camarier:</i>	Quai es üna ricetta da la chasa. E la charn deriva da paurs da la regiun.
<i>giast:</i>	Quai tuna bain. Nus tuornain dal sgür darcheu ün'otra jada.
<i>camarier:</i>	Grondius, quai ans fess grond plaschair.
<i>giast:</i>	Id es fingià tard. Das-chessan nus dumandar il quint, per plaschair?
<i>camarier:</i>	Schi, s'inclegia, eu vegn subit. Sch'Ella voul, po Ella eir güsta pajar a la cassa.
<i>giast:</i>	Stupend, eu vegn jent a pajar a la cassa.
<i>camarier:</i>	Quai fa tuot insembel 113 francs e sesanta.
<i>giast:</i>	Nun ha El invlidà da quintar il dessert?
<i>camarier:</i>	Oh schi, ch'Ella s-chüsa, grazcha fich! In quel cas fess quai 119 e sesanta.
<i>giast</i>	Ch'El fetscha 130.
<i>camarier:</i>	Grazcha fich, quai es fich generus. Vess Ella jent üna quittance?
<i>giast:</i>	Schi jent! Grazcha fich ed a revair ün'otra jada.
<i>camarier:</i>	Üna bella saira ed ün bun retuorn a chasa. Adieu!